



Broj: JN1 11-03-26-145-17/25

Datum: 30.09.2025. godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama („Službeni glasnik BiH“ broj: 39/14, 59/22 i 50/24), a na osnovu preporuke komisije date u Zapisniku broj: JN1 11-03-26-145-16 /25 od 25.09.2025. godine, u postupku javne nabavke *roba klase I - „Hrana i prehrambeni materijal (reprezentacija)“ - JRJN: 15000000-8, putem otvorenog postupka, korištenjem e - aukcije, za potrebe MO i OS BiH za 2025. godinu* pokrenut Obavještenjem od 04.07.2025. godine objavljenom na portalu javnih nabavki, Ministar odbrane BiH donio je:

**ODLUKU**  
**o poništenju postupka javne nabavke**

**I**

Poništava se postupak javne nabavke *roba klase I - „Hrana i prehrambeni materijal (reprezentacija)“ - JRJN: 15000000-8, putem otvorenog postupka, korištenjem e - aukcije* iz razloga neprihvatljivosti ponude prema članu 69. stav (2) tačka d) Zakona o javnim nabavkama BiH.

**II**

Poništava se Odluka o izboru najpovoljnijeg ponuđača broj: JN1 11-03-26-145-12/25 od 10.09.2025. godine.

**III**

Ova odluka objavit će se na web stranici Ministarstva odbrane ([www.mod.gov.ba](http://www.mod.gov.ba)).

**IV**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke

**Obrazloženje**

Postupak javne nabavke *roba klase I - „Hrana i prehrambeni materijal (reprezentacija)“ - JRJN: 15000000-8, putem otvorenog postupka, korištenjem e - aukcije* pokrenut je Odlukom o pokretanju postupka javne nabavke broj: 11-03-26-145-3/25 od 09.06.2025. godine i Obavještenjem o nabavci broj: 723-1-1-454-3-459/25 od 04.07.2025. godine objavljenom na Portalu javnih nabavki 04.07.2025. godine, a sažetak objavljen u „Sl.glasniku BiH“.

Javna nabavka je sprovedena putem otvorenog postupka.

Procjenjena vrijednost javne nabavke bez PDV-a je 161.330,71 KM (bez PDV-a).

Komisija za javnu nabavku imenovana je Odlukom broj: 11-03-26-145-6 od 25.06.2025. godine.

Komisija za nabavku dostavila je izvještaj o radu broj JN1 11-03-26-145-16/25 od 25.09.2025. godine u kojem je dala preporuku o poništenju postupka javne nabavke *roba klase I - „Hrana i prehrambeni materijal (reprezentacija)“ - JRJN: 15000000-8, putem otvorenog postupka, korištenjem e - aukcije.*

U postupku po izvještaju o radu komisije je utvrđeno da je Komisija za nabavku blagovremeno i pravilno izvršila prijem i otvaranje dodatne dokumentacije, o čemu je sačinila odgovarajući zapisnik, u kojem se konstatuje sljedeće:

Ponuđač „PRIMAPROM“ d.o.o. Banja Luka je Odlukom o izboru najpovoljnijeg ponuđača broj: JN1 11-03-26-145-12/25 od 10.09.2025. godine, izabran kao najpovoljniji ponuđač u postupku javne nabavke roba klase I - „Hrana i prehrambeni materijal (reprezentacija)“ - JRJN: 15000000-8, po ponuđenoj cijeni u iznosu od 160.461,01 KM bez PDV-a.

U skladu sa tačkom 7.1.4. Tenderske dokumentacije broj: broj: JN1 11-03-26-145-4/25 definisani su dokumenti ili uvjerenja navedeni u tački 7.1.3. koji „*ne smiju biti stariji od 3 mjeseca računajući od trenutka dostavljanja ponude, a dostavlja ih izabrani ponuđač u roku od 5 dana od dana prijema odluke o dodjeli ugovora*“,

odnosno tačkom 7.3.3. Tenderske dokumentacije za dokumente navedene u tački 7.3.2. definisano je isto da ponuđač čija ponuda bude izabrana kao najpovoljnija, „*dužan je nakon prijema odluke o izboru dostaviti u roku od 5 dana originale ili ovjerene kopije dokumenata od strane nadležnog organa kojim dokazuje ekonomsku i finansijsku sposobnost. Dokumenti ne smiju biti stariji od 3 mjeseca računajući od trenutka dostavljanja ponude*“. Dokazi koji se zahtjevaju moraju biti originali ili ovjerene kopije od strane nadležnog organa.

Izabrani ponuđač je dana 19.09.2025. godine dostavio kovertu na kojoj je bilo naznačeno: naziv ugovornog organa i naziv ponuđača, predmet nabavke, naziv „dostava dokumenata“ i „rok dostave“, koja je kod ovog organa zaprimljena dana: 19.09.2025. godine što se vidi iz prijemnog pečata.

Nakon otvaranja dostavljene koverta Komisija je utvrdila da je ponuđač dostavio sljedeće dokumente:

1. Uvjerenje izdato od *Suda BiH* u Sarajevu da **NIJE** izrečena pravosnažna osuđujuća presuda za krivična djela organizovanog kriminala, korupciju, prevaru i pranje novca pred Sudom BiH, a sve u smislu člana 45. stav 2. tačka a) Zakona u javnim nabavkama BiH, broj: *Su: 03-7248/25 od 04.07.2025. godine (ovjerena kopija 18.09.2025. godine).*
2. Uvjerenje *Osnovnog suda u Banjaluci* broj: 071-0-Su-I-25-002544 od 03.07.2025. godine (*ovjerena kopija 18.09.2025. godine*), kojim se dokazuje da firmi „PRIMAPROM“ d.o.o. Banja Luka **NIJE** podignuta optužnica koja je stupila na pravnu snagu i nije izrečena pravosnažna presuda u krivičnom postupku, kojom se osuđuje za krivično djelo učešća u kriminalnoj organizaciji, za korupciju, prevaru ili pranje novca.

3. Uvjerenje Okružnog privrednog suda u Banjaluci broj: 057-0-SU-II-25-001613 od 03.07.2025. godine (*ovjerena kopija 18.09.2025. godine*), kojim se dokazuje da firma „PRIMAPROM“ d.o.o. Banja Luka **NIJE pod stečajem** niti je predmet proglašenja stečajnog postupka, nije predmet postupka likvidacije, niti je u postupku obustavljanja poslovne djelatnosti.
4. Uvjerenje Okružnog privrednog suda u Banjaluci broj: 057-0-SU-II-25-001612 od 03.07.2025. godine (*ovjerena kopija 18.09.2025. godine*), kojim se dokazuje da firma „PRIMAPROM“ d.o.o. Banja Luka **NIJE** osuđena pravosnažnom presudom, u smislu kršenja zakona u njenom poslovnom ponašanju u periodu od pet godina, koji je prethodio datum podnošenja zahtjeva ili ponude.
5. Uvjerenje *Porezne uprave, podružni centar Banjaluka, Odjeljenje naplate za pravna lica* broj: 06/1.02/0704-455.2.1-91009/2024 od **13.08.2024.** godine (*ovjerena kopija 18.09.2025. godine*) kojim se potvrđuje da je firma „PRIMAPROM“ d.o.o. Banja Luka prijavila i izmirila sve dospjele poreze, doprinose na lična primanja i sporedna poreska davanja kao i ostale naknade zaključno sa 13.08.2024. godine.
6. Uvjerenje *Uprave za indirektno oporezivanje, regionalni centar Banjaluka* broj: 02/6-I-16-11-21-5574-2/24 od **07.08.2024.** godine (*ovjerena kopija 18.09.2025. godine*) kojom se potvrđuje da firma „PRIMAPROM“ d.o.o. Banja Luka NEMA dospjelih a neizmirenih obaveza po osnovu indirektnih poreza, ostalih prihoda i taksi.

Originali ili ovjerene kopije dokumenata koji dokazuju ekonomsko finansijsku sposobnost - potvrda od centralne banke BiH o aktivnosti računa i potvrda od poslovne banke o solventnosti nisu dostavljene. Uz originalnu ponudu ponuđača „PRIMAPROM“ d.o.o. Banja Luka dostavljeni su dokumenti koji dokazuju ekonomsko finansijsku sposobnost - potvrda od centralne banke BiH o aktivnosti računa i potvrda od poslovne banke o solventnosti, ali nisu originali niti ovjerene kopije.

Dokumenti pod rednim brojevima 5. i 6. broj: 06/1.02/0704-455.2.1-91009/2024 od **13.08.2024.** godine i 02/6-I-16-11-21-5574-2/24 od **07.08.2024.** godine nisu dostavljeni u skladu sa zahtjevima iz Tenderske dokumentacije broj: JN1 11-03-26-145-4/25, s obzirom da su stariji od tri mjeseca računajući od trenutka dostavljanja ponude.

Ponuđač je svoju ponudu broj: T-114/25 dostavio dana 20.08.2025. godine, dostavljena uvjerenja broj: 06/1.02/0704-455.2.1-91009/2024 od 13.08.2024. godine i 02/6-I-16-11-21-5574-2/24 od 07.08.2024. godine datirana su na datume 13.08. i 07.08.2024. godine, na osnovu čega je utvrđeno da je dokaz stariji od tri mjeseca, zbog čega kao takav nije prihvatljiv za Ministarstvo odbrane BiH.

Kako izabrani ponuđač nije dostavio validan dokaz u ostavljenom roku, njegova se ponuda u skladu sa članom 68. stav (1) Zakona o javnim nabavkama odbacuje kao neprihvatljiva.

S tim u vezi poništava se i Odluka o izboru najpovoljnijeg ponuđača broj: JN1 11-03-26-145-12/25 od 10.09.2025. godine.

Kako u predmetnom postupku nije bilo drugih prihvatljivih ponuda, Ministarstvo odbrane BiH nije moglo izvršiti dodjelu ugovora drugorangiranom ponuđaču.

U postupku donošenja ove odluke, posebno su cjenjene činjenice da je Komisija pravilno i potpuno izvršila ocjenu dostavljene dodatne dokumentacije, u skladu sa uslovima iz tenderske dokumentacije.

U skladu sa navedenim a primjenom člana 69. stav (2) Zakona o javnim nabavkama, odlučeno je kao u tački I dispozitiva ove Odluke.

**Pouka o pravnom lijeku:**

Protiv ove odluke može se izjaviti žalba Uredu za razmatranje žalbi u roku od 10 dana od dana prijema odluke. Žalba se podnosi putem Ministarstva odbrane Bosne i Hercegovine.

**MINISTAR**

**Zukan Helez**

Dostavljeno:

- „GOLD MIGNON“ d.o.o. Sarajevo 033 471 114, [goldmignon97@gmail.com](mailto:goldmignon97@gmail.com)
- „PRIMAPROM“ d.o.o. Banja Luka 051 212 355, [tenderi@primaprom.com](mailto:tenderi@primaprom.com)
- Ured za odnose sa javnošću MO BiH (Objava na Web stranici),
- a/a